



Synfocity = 852

mail us at : mzsynfo@gmail.com; mizoramsynod@gmail.com - Phone - 2314648

August 4, 2022

□ Residential Choir Conductors' Training vawi 26-na kharna neih a ni

July 29, 2022 (Zirtawpni) zan dar 7 khan Training vawi 26-na chu kharna hun hman a ni a, training hi July 26, 2022 (Thawhlehi) zan aṅging neih a ni.

Training kharna hun hi Synod Secretary Rev. Z.D. Lalmachhuana'n a kaihhruai a. Upa H. Lalmingmawia, Co-ordinator, Worship-in report a pe a. Rev. Dr. K. Lallawmzuala, Executive Secretary i/c Worship-in Certificate a hlan zawhah thuchah a sawi a. NI. Melody Lalzirliani'n Pathian fakna hla a sa a, Trainee-te aiawh thusawi ngaihtlak a nih bakah Senior Music Instructor, Pu H. Lalrinmawia'n lawmthu a sawi bawk. Synod Worship Committee Member, Upa C. Vanlalvuana'n lawmthu sawi ṭawngṭaina hun a hman.

Zaipawl Conductor training-ah hian zir turin mi 74 thlan an ni a, thlan zawng zawngte hi an tel kim vek a. Aizawl area aṅging mi 31 leh Aizawl Area pawn lam aṅging mi 43 an tel a ni. Trainee zingah hian IKK, BCM, ICI leh Presbyterian Church of Myanmar aṅging mi 5 an tel bawk.

Training chung hian Zaipawl Conductor-te tana pawimawh hrang hrang - Timing, Pitch, Accidental; Technical Names, Names of Interval; Triads & Inversion; Scales (Major/Minor etc); Conducting; Vocal; Harmonisation; Chords; Khuang vuak; Phrases & Cadences te zir a ni. Zing dar 6:30 aṅging zirna hi ṭan ṭhin a ni a, zan dar 9 thleng zir ṭhin a ni.

Zaipawl Conductors Training buatsaih chungchangah hian hun hmasa lamah kha chuan Kohhrante hnenah an Kohhran aṅging training tur intir tura ngenna siam ṭhin a ni a. Amaherawhchu, thlan chhuahte hi tirh an nih avanga tlawmngaih chhuahe kal te an ni ṭhin a. Training chungin ti leh ti lo kar neia telte an awm ṭhin avangin training pawh a hlawhtlin tur angin a hlawhtling lo ṭhin em tih te a ngaihtuah theih a. Chuvangin, kum 4 chung chu mahni duh thu ngeia dil a nih theih nan open advertisement siam a ni ta a. Anmahni duh thu ngeia dilte chuan ṭahnem an ngaiin thiam duh tak takna rilru an pu nge nge ṭhin. Chuvangin, tun ṭumah pawh hian trainee ten thiam tak tak tumin theihtawp an chhuahe niin a lang.

Synod Worship Committee chuan Zaipawl Conductors Training hi kum 1995 aṅging khan kum tinin a buatsaih a. Rokhawlha avangin kum 2007 khan neih a ni lo va, Covid avangin kum 2020 khan neih theih a ni lo leh a. Zaipawl Conductors Training vawi 26 neih tawha training chhuak zat hi mi 1064 an tling a ni. Kum 1997-a mi 92 an tel hnua training buatsaihnaa tel ṭhathnem ber ṭum a ni.

□ Synod Mission Board leh ram pawn chet velna

◆ Karbi Anglong Mission Field

July 31, 2022 (Pathianni) khan mi 1 Lal Isua zui turin a inpe.

◆ Arunachal & Assam Mission Field (East)

July 31, 2022 (Pathianni) khan Jongsam Biak In, Changlang Pastor Bial ami chu Field Secretary-in a hawng.

◆ Jharkhand Mission Field

July 31, 2022 (Pathianni) khan mi 9 Lal Isua zui turin an inpe a, Roman Catholic Kohhran aṅging chungkaw khat (member 3) kan Kohhranah an inpe bawk.

◆ Barak Area Mission Field

July 31, 2022 (Pathianni) khan mi 4 Lal Isua zui turin an inpe.

◆ Delhi Mission Field

July 31, 2022 (Pathianni) khan Field chung hmung hrang hrangah mi 23 Lal Isua zui turin an inpe.

◆ Home Mission North

July 31, 2022 (Pathianni) khan mi 1 Lal Isua zui turin a inpe.

◆ Masihi Sangati

Dawrpui Vengthar Pastor Bial Masihi Sangati Crusade July 31, 2022 a neih zawh takah mi 37 Lal Isua zui turin an inpe a, January - July chungin ringthar 5569 an awm.

◆ **Odisha Mission Field**

August 1, 2022 (Thawhtanni) khan Odisha field-a Rayagada bial Adasunkala khuaah free medical clinic neih a ni a, damlo 35 vel en niin, ringlo in 3-ah tawngtaina an hmang thei bawk.

□ **Assam Mission Field Church Court hawn a ni**

July 30, 2022 (Inrinni) chhun dar 12 khan Assam Mission Field Church Court chu Synod Moderator Rev. Dr. Vanlalngbaka Ralte chuan Satribari Church, Guwahati, Assam-ah a hawng.

Synod Moderator hi Rev. H. Remthanga, Executive Member, PCI leh Rev. R. Lalhmingsanga Secretary, Synod Mission Board ten an tawiawm a ni.

Church Court hawna inkhawm hi Synod Moderator-in kaihruaiin Field Secretary Rev. Billy H. Lalrinchhana hnen atangin Field chanchin tlangpui ngaihthlak a ni a, Synod Mission Board Secretary Rev. R. Lalhmingsanga hnen atangin Church Court chungchanga hriat tur pawimawhte leh inhrilhfiat ngaithe ngaihthlak a ni. Synod Moderator hnen atangin thuchah ngaihthlak a ni a, Zaipawl Pahnih - Satribari (Guawhati) Kohhran Zaipawl leh Dibrugarh Bial Zaipawl zai ngaihthlak a ni a, Rev. H. Remthanga'n malsawmna sawiin a tin a ni.

Inkhawm ban hian Field Office kawtah Synod Moderator Rev. Dr. Vanlalngbaka Ralte-in Monument a hawng zui a, hemi zawh hian Church Court hawn lawmna ruai an kilho nghal a ni.

He hun hmang tur hian Field chung hmun hrang hranga thawktu leh kohhran member-te mi 900 baw vel an kal khawm thei a, thawktute pawh damlohna leh harsatna bik nei mi tlemte tih loh chu an kal kim thei vek a ni.

Assam Mission Field hi March 12, 2008 khan Guwahati Mizo Kohhran Biak Inah Rev. Zosangliana Colney, Executive Secretary-in a lo hawng tawh a, a kum 14 naah Church Court hawn a ni ta hi Field tan leh Kohhran tan mellung pawimawh tak a ni. Tun dinhmunah Pastor bial 4 awmin Kohhran chhungkua In 493, Kohhran member 1448, Presbyterian Kohhran hlang awmna chhungkua 340 leh in awm pawlhna chhungkua 153 an awm mek a ni.

July 29, 2022 (Zirtawpni) zan khan Satribari Kohhran Biak Inah Puipate leh thawktuten inkawmkhawmna neiin zawhna leh chhanna hun hlawk tak an hmang ho thei bawk.

□ **Synod Social Front**

August 6 & 7, 2022 hian Sialhawk South Kohhranah Fate enkawl (Kristian Chhungkaw Campaign) leh Ruihhlo leh HIV/AIDS Awareness Campaign nei turin Campaigner te Upa Dr. Lalrintluanga leh T.Upa K. Lalengzama te an kal ang.

□ **MSSU**

◆ August 6, 2022 (Inrinni) hian Sesawng Vengthar Kohhranah Sunday School zirtirtu training neihpui turin Pu HK Hmingthanzuala, Asst. Coordinator leh MSSU Trainer te Upa Lalrinawma Ralte leh T.Upa Lalthanchhunga te an kal ang a, zan inkhawmah Naupangte hnena rawngbawlina chungchang thuchah T.Upa Lalthanchunga'n a sawi ang.

◆ August 6, 2022 (Inrinni) hian Ramhlun Sports Complex Kohhranah naupang Sunday School zirtirtu training neihpui turin Pu Lalhmunzauva Tlau, Asst. Coordinator leh MSSU Trainer te Upa Zionparlawma leh Upa C. Lalbiaksanga te an kal ang a, zan inkhawmah Naupangte hnena rawngbawlina chungchang thuchah Upa C. Lalbiaksanga'n a sawi ang.

□ **Synod Prison Ministry**

◆ August 7, 2022 (Pathianni) hian Central Jail-ah rawngbawlina nei turin Rev. Lalbiakhlira, Evan. Vanlalhriata leh One in Christ te an kal ang.

◆ July thla chung khan Synod Prison Ministry chuan hetiang hian thilpek a dawng -

1. Luangmual Kohhran Pavalai Pawl-in Synod Prison Ministry rawngbawlina atan Rs. 20,000/-.

2. Chhiahtlang Kohhran Pavalai Pawl-in District Jail, Serchhip tan Thutthleng (Bench) 6.

3. Armed Veng Bial Kohhran Hmeichhia-in District Jail, Armed Veng tan Guitter leh thawmhnaw hrang hrang.

□ **Zin**

August 4 - 9, 2022 chung hian Delhi-ah Trans-World Radio(TWR) India Committee hmangin Dr. Robert S. Halliday, Superintendent a kal.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aʔangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Murlen Kohhran Biak In thlang lungrem chim, chim belh zel hlauhawm thawm ʔat nan			Rs. 40,000/-
2.	Falkland	Khawsak harsa	3	Rs. 24,000/-
3.	Salem	Vanduaina tawk	1	Rs. 20,000/-
4.	Kawnpui Hmarveng	Damlo	2	Rs. 16,000/-
5.	Lawipu	Damlo	2	Rs. 16,000/-
6.	Reiek, Lily Veng	In kang ral	1	Rs. 10,000/-
7.	Assam Rifle Kohhran ami	Damlo	1	Rs. 8,000/-
8.	Lungleng I	Damlo	1	Rs. 8,000/-
9.	Mualcheng Vengpui	Khawsak harsa	1	Rs. 8,000/-
BELHKHAWM				Rs. 1,50,000/-

☐ **AUGUST 5, 2022 (Zirtawpni) (FM Zoawi - Aizawl & Lunglei @ 7:30 p.m.):**

Solo : Laldusaki - Ring la i nung ang
Zaipawl : Dawrpui Kohhran Zaipawl - Ngai rawh
Thusawi : Pu Lalhmunzauva Tlau - ʔhalaite hnena thurawn
Solo : H. Lalhruaitluangi - Sawi nawn leh rawh
Zaipawl : Kulikawn Bial Zaipawl- Ka Lal ka thlang.

☐ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

Aug. 1 - 5, 2022 Arunachal West Field leh Karbi Anglong Field tlawh
 Aug. 7, 2022 Chawhnu - Salem Kohhran, Venghnuai Bial
 Zan - Venghnuai Kohhran, Venghnuai Bial
 Aug. 8, 2022 Synod Service Board
 Aug. 11, 2022 OM

Rev. C. Zoramawia : Senior Executive Secretary

Aug. 8, 2022 Synod Service Board
 Aug. 10, 2022 Trust Committee
 Aug. 11, 2022 OM
 Aug. 12, 2022 MKHC Ruby Jubilee lawmna hmanpui

Rev. V.L. Luaia Hranleh : Executive Secretary

Aug. 4 & 5, 2022 John Williams Hospital Committee, Lunglei
 Aug. 8, 2022 Synod Service Board
 Aug. 9, 2022 Tuikual Bial Kohhran Hmeichhe Seminar
 Aug. 10, 2022 Trust Committee
 Aug. 11, 2022 OM
 Aug. 12, 2022 Kohhran Inpumkhatna meeting

Rev. Dr. K. Lallawmzuala : Executive Secretary

Aug. 2 - 6, 2022 PCI Executive Committee, Shillong &
 Manipur Presbyterian Working Committee, Manipur
 Aug. 8, 2022 Synod Service Board
 Aug. 11, 2022 OM